

docriver 文川网
入驻商家 古籍书城
在文川网搜索古籍书城 获得更多电子书

中國方志叢書·華中地方·第五八四號

據 民國 · 鄭永禧纂修
民國十八年輯，民國二十六年鉛印本 影印

浙江省

衢縣志



成文出版社有限公司印行



中國方志叢書·華中地方·第五八四號


據

民國·鄭永禧纂修
民國十八年輯，民國二十六年鉛印本

影印

浙江省

衢縣志



成文出版社有限公司印行



10095856

中國方志叢書·華中地方·第五八四號

據

民國 · 鄭永禧纂修
民國十八年輯，民國二十六年鉛印本

影印

浙江省

衢縣志



成文出版社有限公司印行



10095855

15-3-783

docsriver 文川网
入驻商家 古籍书城


在文川网搜索古籍书城 获取更多电子书

中國方志叢書·華中地方·第五八四號

據 民國 · 鄭永禧纂修 影印
民國十八年輯，民國二十六年鉛印本

浙江省

衢縣志



5102106
成文出版社有限公司印行



中國方志叢書·華中地方·第五八四號

據

民國·鄭永禧纂修
民國十八年輯，民國二十六年鉛印本

影印

浙江省

衢縣志



成文出版社有限公司印行



10095853

中國方志叢書·華中地方·第五八四號

據

民國·鄭永禧纂修
民國十八年輯，民國二十六年鉛印本

影印

浙江省

衢縣志



成文出版社有限公司印行



10095852

中國方志叢書·華中地方·第五八四號

據

民國 · 鄭永禧纂修
民國十八年輯，民國二十六年鉛印本

影印

浙江省

衢縣志

(七)

成文出版社有限公司印行



10095851

中國方志叢書·華中地方·第五八四號

據 民國 · 鄭永禧纂修 影印
民國十八年輯，民國二十六年鉛印本

浙江省

衢縣志



成文出版社有限公司印行



10095850

中華民國七十三年三月臺一版

衢縣志

共八冊

發行人：黃成助

出版者：成文出版社有限公司

台北郵政信箱二二六〇五號

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第一四三號

鄭渭川先生遺稿

目録

目録

目録

余紹宋題



校刊衢縣志弁言



余序衢縣志之明年渭川先生遽下世又明年縣長某君倡議
修訂是稿設所謂委員會聘地方人士從事焉余聞而非之慮
其點竄失真或因人事變易至於散失乃商諸省立圖書館長
陳君訓慈爲錄副存館既三年矣而修訂之舉亦寢蓋莫能贊
一辭也前年冬衢縣創設難民工廠先生介弟錫卿董其役廠
有印工始謀校刊是編而苦財用弗給久之乃決用預約法集
資爲之當是時尚有謂近十年事須補入者亦有疑其間有遺
漏錯誤主增改者余謂此爲先生私人著述與集衆手而成之
官書不同非他人所宜增損近事可俟將來續修縱有遺誤後

人不妨別作補正也衆無以難惟原著稱稿實先生撝謙之辭
以爲私家著作未經邦人公同論定不得不然（自序謂與同人討論集思廣益蓋擬

在付梓時行之預爲序入耳其後先生病目致盲迄未舉行余深知之

先）今既梓行奚必更仍其舊而衢丁

災劫之餘休養未遑安能議及斯事縱使議修而人才寥落前
事具在誰復能更出手眼逾於是編是編精審余前序所稱絕
無溢辭定爲正本無慚也雖昔時亦有以志稿行者乃狃於故
習謂必以地方官憲名義主修今固無庸爾矣剗陋旣竟錫卿
深幸得傳其兄之遺書請記緣起而余亦欣鄉邦文獻之賴以
弗替也遂書以冠簡端二十五年十二月余紹宋

故湖北恩施縣知事鄭公墓志銘

龍游余紹宋撰

公諱永禧字渭川姓鄭氏其先閩之福清人宋時繪流民圖諱俠者其始祖也至清初有諱士登者避耿精忠之亂始遷衢州西安實爲公之八世祖六世祖諱光璐五世祖諱萬育縣志俱有傳曾祖諱世鴻祖諱桂殿俱太學生父諱鏞歲貢世以文學著公生而穎異七歲能屬辭十歲畢諸經十二歲爲諸生時士人溺於制藝公心鄙之乃從同縣張松坪先生慈谿馮夢香先生游潛心古學自經義史籍以及金石文字咸喜推究校讎辨析不厭精詳而於古書雅記有涉及地方文獻者尤措意焉光緒中葉潘暉琴學士督學浙江纂輯兩浙輶軒續錄公遂作西安懷舊錄上之多被采入是爲公修志之濫觴癸巳登副榜丁酉舉鄉試第一庚子拳禍作衢州遂有仇教戕官案公被誣連久始得解西安至停考試越二年科舉亦悉罷世變日亟公乃思陶成後學爲匡救之圖先後受仁和縣學堂衢州中學堂浙江兩級師範學校之聘凡所啓迪各饜其望及憲政議興被選爲諮議局議員辛亥革命後被任爲衢縣

參事非其志也以有關地方事姑就之亦多建白五年任湖北恩施縣知事恩施地瘠民頑夙多盜難治公至首辦團防寇患遂絕留心獄訟不假手於人又多令和解使免訟累牛刀小試一時稱神君焉其縣舊志殘闕公擬重修以受代不果乃爲撰施州考古錄遺之爲異時修志之資其隨時意留一地方之文獻如是亦其夙志然矣罷官後家居遂壹意纂修衢縣志當是時士人震於新說競駑浮辭若地方文獻皆薄之以爲不足道其甚者且肆詛詈獨公與紹宋各發願修其縣志莫逆於心而未嘗顧也紹宋書先成公讀之甚加贊許而殺青之念益急願助理難得其人乃獨力采訪凡街市坊表寺廟題額衙署碑聯宗譜序跋以及窮鄉僻壤之木雕刻斷簡殘編靡不搜羅供其攷訂其漫漶難辨者或緣梯而上諦審摸索以得其真或多方互校必明其梗概而後已其勞乃什倍於紹宋焉十一年浙江省議會聘爲祕書長公以杭州舊籍較多參稽較便又欲藉此檢視舊署檔案欣然應之從公而外仍專力於茲事其中考正嘉慶舊志之訛誤者百數十條閱五年而稿定凡三十卷都

百餘萬言此五年間時與紹宋商榷義例辨析疑難函牘往還至多故惟紹宋能深知其成之難也當在議會時屬稿必以夜抽易增刪手自繕錄電炬炫目激刺至強目力遂大損比書成竟喪其明然猶慮有疎略命紹宋爲之校訂且屬序焉更四年以疾卒時二十年辛未二月二十八日也公秉性寬和樂易雖遭顛沛不以動其心猶憶庚子亂時公先期與紹宋同舟避居杭州於地方事絕無所預乃被誣至於削籍入獄未嘗有所怨懟泊盲後仍能以鉛筆試摸紙作書爲詩文以自遣無所憤懣自非學養純深安能如是生平一無嗜好惟喜讀書兼耽撰述已成者有高密易義家傳春秋地理同名異名考竹隱廬隨筆不其山館詩文存稿諸書其關於志事者尙有姑蔑地理變遷考衢州鄉土卮言爛柯山志諸編而衢志尤爲其精力所注卒以殉其身斯學人之極哀已公生於同治五年六月十一日卒年六十有六先娶於何生女子七人先公二十八年卒繼娶於張卽松坪先生姪女生子二人長昌時上海大同大學畢業次昌和現肄業浙江大學工學院女子四人將以其年十二月六

docsriver 文川网
入驻商家 古籍书城

在文川网搜索古籍书城 获取更多电子书

日卜葬於衢縣南關外之三角塘其弟永祚索銘於紹宋因念往者承公命校理志稿頗病近代人物一傳多取材墓誌稍失之寬公進汰其什之一慨然謂前人與墓恆多溢辭而許紹宋作祝劄庵先生墓志爲合作劄庵亦盡心志事積勞以物者然則今日公之墓文舍紹宋將誰屬縱微仲氏之請亦安能愬然也迺爲銘曰

卓爾一編踵武盲史秉斯精誠雖死不死餘業縱弘安得媿此銘茲永藏煬哉同志

衢縣新志序

民國十年衢縣與吾龍游俱議修志龍志由余主修衢志則由世丈鄭渭川先生任其役其年九月余自舊都南歸省親先生亦自杭州返里因相與商榷體例余謂兩縣舊志體例均乖宜事改撰不宜僅依舊例續增先生難之然不以爲非也別後各自撰述三年之間簡牘往還輒論斯事先生時以采訪難備爲憂余幸有祝劼菴丈康祺爲主采訪時有所獲故拙志先成先生讀之甚加贊許且謂其書將據拙志更改體例竊意若是則脫稿益需時前年秋余復歸衢先生已因積勞傷目赴滬就醫比冬而返醫藥弗效已失明矣聞余歸亟屬金曉鐘君聲遠來

問訊金君首助志稿最力也告余全志已成殊出
意表亟志 九生不及他事卽以稿本和屬曰余目已盲修正
之責惟君任之余安敢當也然感其誠遂自忘其固陋輒就鄙
見條其應斟酌者百餘事持與商榷凡余所陳多承采錄其不
能采錄者詳言其由曲盡事情咸有理致閒及故書雅記默誦
如流嗚呼若先生者可謂盲於目而不盲於心者矣夫修志之
業與作史同其成於衆手者必不逮獨撰者爲佳此義余於拙
志後錄曾詳言之今先生此編亦如拙書出自獨撰故經營結
構別具卓裁非舊志雜集衆手而成者所可比擬考衢縣舊志
卽西安縣志存於今者凡兩部一爲康熙三十八年陳鵬年修

一爲嘉慶十五年姚寶燿修陳志分十二門尙有條理惟記載簡陋究不洽於史裁姚志大體仿浙江通志分四十八門涉於繁瑣通志體例已乖縣志本與通志不同尤而效之更無是處其中人物一門分類益瑣竟至分割一人列於數類尤爲奇謬故其書一出物論譁然陳墳正誤之作其表徵也惜其指摘諸端涉於毛舉又多附會未中其失自嘉慶十五年迄今又閱百十餘年矣姚志旣不足徵陳志已成孤簡其間文獻之待徵集修纂者復何限而洶洶之勢方殷尤虞放失今何幸而得此編也此編爲書凡三十卷各爲綱目條理秩然就體例言已勝舊志其中方言及碑碣兩篇拙志所闕曩亦曾思纂述卒以采訪

不備媿未能成而先生竟以獨力成之且精審爲全書之冠其
他諸篇除人物志外亦極抉擇辯證之能事而補正兩舊志之
闕失者無慮數百條此由先生讀書既多長於考證又夙關心
鄉邦文獻時有記錄蘊積既深故能成茲宏製余敢謂衢人更
無能出其右者其人物一端雖未經改撰而不爲無聊之分類
已大勝於姚書蓋先生十分審慎不欲輕議前人之非明知舊
志去取未公然以歷年既多無由集證至於近代又以憂讒畏
譏之故難盡史魚之能其中苦辛亦有難予局外人以共諒者
余深知之明達者當亦能默喻之也此編之成後於拙志者三
年而不盡爲拙志所囿自標新例卓然成一家之言然後知先

生成竹在胸嚮所云云皆謙摛之詞固非不能自關蹊徑也夫
衢夙爲文物之邦代有作者顧自輓近以來凋落殆盡其存者
多以衰病不克負荷斯事而新進之流驚於遠大亦未遑措意
及此文獻之存不絕如縷當先生編述時屢遭時變采訪稽遲
至於經用尤感支絀迭請官紳續籌無或應者危疑艱困如是
而先生持以毅力卒底於成則是以一身而兼一邦百十餘年
文獻絕續之任其功顧不偉哉昔昌黎先生謂史書不可輕爲
自丘明以降皆不免於天刑人禍志亦史也先生之盲世或舉
以爲徵驗然余固曾獨撰龍志其精密尙不若此編而殺青以
來絕未遭拂逆之事今且得遂初服嘯傲湖山書生之福不過

如此則又奚說故夫先生之盲也獨力撰述有以傷之也非作志之咎也余之不獲咎也非精力過於先生也有祝劄丈爲之主采訪余惟事撰著勞逸固稍殊也今天下事之不堪寓目者多矣盲亦何害盲於目而不盲於心若先生者更何害昔左氏固曾以盲史而擅千古之譽矣安見先生此編於方志中不擅譽於將來耶盲史之後乃有盲志而先生之名益彰盲果何損於先生哉今以將授梓人屬金君馳書命余爲之序余雖龍游人而四世居衢先壟在焉猶衢人也既前後與知其事感先生之誠又懼世人或以先生之盲爲口實而疑其書爰序其繇以告來世十八年四月龍游余紹宋序於杭州之寓齋

衢縣志序

衢邑鄭君渭川以所纂縣志將付剞劂寓書問序西孤陋惡足

語此鄭君意謂西曩知縣事有志此業見諸重刊西安縣志弁

言者章章矣若然又曷可拂其意猶憶丙寅夏西自五雲解組

歸訪鄭君於省議會之東廡獲觀所爲衢縣志藁雖發鈔未竣

僅窺見一斑然其搜輯眷密兼采康熙嘉慶二書之長芹事則

舉其所知舊聞一本西安縣志慮不足則取楊公府志以益之

又不足更求明代趙葉兩公舊府志以補正之亦因大剞既周

既審而鄭君猶以爲未足也謂西曰君治衢久其亦有遺聞逸

事足資攷證者乎願就此藁一商榷之西唯唯因思咎年未竟

之志倘有暇貢其一鼻之愚甯非至幸迺未幾風霍告警此願
竟不果償雖然鄭君固好學深思於鄉邦之山川文獻風土利
病研心有素者矣西於是書大何能贊一辭獨念衢爲浙東重
鎮控閩贛通徽睦襟山帶水儼然一大都會也顧其民風則純
樸習勤儉守禮法爲他邑所不及爲士者皆砥礪廉隅能急公
不辟勞怨任地方事不因以爲利西學治於是邦者三載性迂
闊地方人不我愚籌振設防諸大端幸免隕戣得力於邦人士
者爲多古者天子省方巡守命太史陳詩以觀民風命市納賈
以觀民之所好惡漢書地理志於民質良樸俗尙貞淫亦殷殷
致意焉風俗者國家所以治亂興衰者也吾知是書一出衢俗

之美益彰而其影響於人羣者甚大行見登之國府比諸金鏡
衢之幸又豈獨衢之幸哉

民國十有七年孟秋中浣
蕪春桂鑄西馭於西泠寓齋

行
具
三
四

聯立平民工廠印

自序

衢本舊西安縣治民國肇造廢除府制始以府之名名縣而有今名也其掌故依然志乘失修百餘載矣遜清一代業此者惟陳姚兩氏今猶得而見之然察兩氏之旨微有不同陳志語多質趨重民生疾苦姚志語多文但取雍容揄揚蓋一則草創甫定復戎馬之瀕臨一則承平有年正科名之鼎盛其所值運會使然也禧往昔讀書遇有本鄉掌故輒命筆錄之由是有西安懷舊錄之作繼有衢州鄉土卮言之作姑蔑地理變遷考之作又有爛柯山志之作一隅之見誠無當於大雅之一噓今忽忽二十年來世情衰歇萬事轉燭以今視昔固自不侔聞鄉先達

docsriver 文川网
入驻商家 古籍书城

在文川网搜索古籍书城 获取更多电子书

言前此欲行修志屢議輒沮入民國後事益紛煩官制既更檔案銷毀欲訪遺老而零落盡矣庚申之歲禧由鄂歸里省親同人禧有提及修志者適黃岡沈卓如道尹蒞衢任固鄂中舊識也首倡斯舉命知事劉蔭榕商諸地方同人無不樂爲贊助協款既定而以筆政屬之禧禧頻年奔走未獲寧居深懼弗克負荷莫副諸君子雅望兢兢自矢惟是竭咫尺聞寸見以襄厥成乃爲條理采訪考察諸大端稍稍就緒禧旋就省議會聘順赴圖書館檢繙文瀾閣遺籍館長章君仲銘與禧至好每有心得時錫教言禧因折中陳姚兩志權衡時宜有未盡者並采楊公府志以益之惜其書脫謔滋甚不無隱憾會余君越園纂修龍游志

葉君佐文掌北京圖書館覓得明代趙葉兩公舊府志亟請抄錄一通余君親攜之南下參互考證補正良多私懷少慰竊取宿稿再易之越園龍游志先成禮例精嚴大有龍門筆意還視已就之稿自以爲弗如思更延名宿釐定之又以迫於人事絀於財力有所不遑爰將斯稿質諸同人共相討論同人不以禮個人之淺陋集思廣益削繁歸簡爲志十七詩文內外編二略師陳例區別部居各系子目並加列表都三十卷凡百萬餘言較舊志約增四分之三擬先排印如干部以存其概禮請仍留稿字無刪雖不敢仰比明史藁亦知此非定本俟後有繼起者踵成完帙可也書旣竟謹附數言並綴陳姚兩序冠於策明區